


醒
悟
錄

風陵文庫

文庫19

F 400

z 870



中華民國九年庚申七月

穀旦

醒悟錄

直隸同善分社敬刊



素一老人一翦梅調

人秉三才莫看輕中華難生善門難生三生有幸遇
至人指明善因不作惡因治家修身要理明知透凡
情悟透聖情仁義禮智信爲根男也要遵女也要遵
養育子女幼教訓曉得人倫莫犯人倫或讀或耕或
經營貧者儉勤富者儉勤萬物天地運生成神也費
心人也費心如不愛惜天地嗔縱富必貧縱貴必貧
讀書須要體聖經不愧人身明覺修身一貫大道孔
授參一字一聲唯字一聲至善之地率六神格物窮
性撥陰厥性瞻之在前忽後昇龍氣上騰虎氣上騰

一元復始地雷鳴三花聚凝五炁自凝結就寶珠在
黃庭人不覩聞心神知聞久行不怠功果純脫壳天
京逍遙天京

順治皇帝惺心詩

天下叢林飯似山鉢盂到處任君餐黃金白玉非爲
貴惟有袈裟披更難朕本大地山河主憂國憂民事
最繁百年三萬六千日不及僧家半日間
來時糊塗去時迷空在人間走一回父母未生誰是
我生我之時我是誰長大成人方是我合眼矇矓又
是誰不如不來亦不去大雄寶殿常相依

免走鳥飛東復西爲人切莫用心機百年世事三更
夢萬里江山一局棋禹疏九河湯伐桀秦吞六國漢
登基古來多少英雄輩南北山頭卧土泥
龍袍脫換紫袈裟只爲當初一念差朕本西方一衲
子爲何落在帝王家十八年來不自由南征北勦幾
時休吾今撒手歸西去那管千秋與萬秋

康熙皇帝回頭好歌

回頭好回頭好世事將來一筆掃紅塵地裏任君忙
我心清淨無煩惱終日貪何日了只想家中財帛少
分明傀儡縈牽纏繞斷之時身跌倒無常到無大小

不要金銀不要寶不分貴賤與王侯年年多少埋荒
草看看紅日落西山不覺鷄鳴天又曉急回頭莫說
早三歲孩童易得老才高北斗富千箱孽債隨身何
日了勸世人回頭好持齋念佛終身寶看來名利一
場空不如同頭念佛好

仁宗皇帝嘆四景詞

和風吹綠柳桃李盡開花草也生芽木也生芽花街
上歡喜的娥眉姬女荒郊外煩惱的庶人農家細思
量歡喜的也由他煩惱的也由他從今後廣積些錢
米多施些飯茶勤念些彌陀準備着自家歎浮生有

也是虛花無也是虛花只願我早修到彌陀海會淨
土蓮花坐也是蓮花行也是蓮花

薰風吹翠草萬物盡華榮蠶也方成麥也方成高樓
上快活的風流才子路途煎熬的工商客人細思
量快活的也空行煎熬的也空行從今後廣積些陰
陽多辦些前程急念些彌陀準備着臨行歎浮生有
也是虛名無也是虛名只願我早修到彌陀海會淨
土蓮登坐也任縱橫行也任縱橫

金風吹黃菊皎月正當圓花也皆殘果也皆殘東壁
廂耳聽得男婚女嫁西壁廂又聽得鼓樂喧天細思

量過去的也枉然現在的也枉然從今後廣行些方便多結些善緣勤唸些彌陀準備着來年歎浮生有也是不全無也是不全只願我早修到彌陀海會淨土金蓮坐也是安然行也是安然

朔風吹松柏鷺毛雪片飛草也成灰木也成灰者壁廂爽快的紅爐煖閣那壁廂淒涼的草蓆麻衣細思量爽快的也是非淒涼的也是非從今後廣持些齋戒早悟些禪機急唸些彌陀準備着來催歎浮生有也是傷悲無也是傷悲只願我早修到彌陀海會淨土蓮瑞朝也是光輝暮也是光輝

楊狀元四足歌

茅屋是吾居休想華麗的畫棟的不久棲雕梁的有壞期只求他能遮能蔽風和雨再休想高樓大廈但得箇不漏足矣

淡飯充吾飢休想美味的膏粱的不久喫珍饈的有斷時只求得粗食淡飯隨時濟再休想熊掌豚蹄但得箇不飢足矣

醜婦是吾妻休想美貌的俊俏的惹禍非妖嬈的把命催只求他溫良恭儉敬翁姑再休想花容月色但得箇賢慧足矣

西情金
四
蠢子是吾兒休想聰明的伶俐的招是非剛強的把人欺只求他安分守己尋生理再休想英雄豪傑但得箇孝順足矣

羅狀元解組詩二十首

其一

富貴從來不許求幾人騎鶴上揚州與其十事九如夢不若三平兩滿休能自得時還自樂到無求處便無憂於今看破循環理笑倚欄杆暗點頭

其二

戈盾隨身已有年閒是萬千千一家飽煖千家

怨半世功名百世冤象簡金魚渾已矣芒鞋草履興悠然有人問我修行事雲在西山月在天

其三

塵世紛紛一筆勾林泉樂道任遨遊蓋間茅屋牽蘿補開箇柴門對水流得空閒眠真可樂吃些淡飯自忘憂眼前多少英雄輩爲甚來由不轉頭

其四

獨對青山一舉觴醒時歌舞醉時狂黃金不是千年業紅日能消兩鬢霜身後碑名空自好眼前傀儡爲誰忙得些生意隨時過光景無多易散藏

其五

新命傳宣墨未乾
櫛風沐雨上長安
低頭慚進三公府
跣足羞登萬善壇
受戒固多持戒少
承恩容易報恩難
何如急早回頭看
松柏青青耐歲寒

其六

要無煩惱要無愁
本分隨緣莫強求
無益語言休出口
非干己事少當頭
世間富貴花間露
紙上功名水上漚
看破世情天理趣
人生何用苦營謀

其七

爲人不必苦張羅
聽得仙家說也麼
知事少時煩惱
少識人多處是非多
錦衣玉食風前燭
象簡金魚水上波
富貴欲求求不得
縱然求得待如何

其八

有有無無且耐煩
勞勞碌碌幾時閑
人心曲曲灣灣水
世事重重疊疊山
古古今今多變改
貧貧富富有循環
將將就就隨時過
苦苦甜甜命一般

其九

得失榮枯總由天
機謀用盡枉徒然
人心不足蛇吞象
世事到頭螂捕蟬
無藥可延卿相壽
有錢難買子孫賢
得過一日過一日
清閑一日仙

其十

逐利貪名滿世間不如破衲道人閒
籠鷄有食湯鍋近野鶴無糧天地寬
富貴百年難保守輪迴六道易循環
勸君早辦生死路一失人身萬劫難

十一

自古爲人要見機見機終久得便宜
事非干己休招惹理若虧心切莫爲
得勝勝中饒一著因乖乖裏放些呆
聰明漫把聰明使來日陰晴未可知

十二

急急忙忙苦追求寒寒煖煖度春秋
朝朝暮暮營家

計昧昧昏昏白了頭是是非非何日了
煩煩惱惱幾時休
明明白白一條路萬萬千千不肯修

十三

人情相見不如初多少賢良在困途
錦上添花天下有雪中送炭世間無
時來易得金千兩運去難賒酒一壺
堪歎眼前親戚友誰人肯濟急時無

十四

別却家園出外遊當時冷眼看公侯
文章蓋世終歸土武畧超羣盡白頭
不如靜坐蒲團上莫惹凡間半點愁
一日三餐充飽腹得休休處且休休

十五

紅塵看破待如何新燕由來補舊窩辛苦到頭還辛苦奔波一世枉奔波金堆萬兩空思慮名到三公盡折磨算起千般渾是夢何如急早念彌陀

十六

榮辱紛紛滿眼前不如安分且隨緣身貧少慮爲清福名重邱山長孽寃淡飯儘堪充一飽錦衣那得幾千年世間最大惟生死白玉黃金盡枉然

十七

終日忙忙無了期不如退步隱山居布衣遮體同綾

緞野菜充飢勝肉魚世事紛紛如電閃輪迴滾滾似雲飛今日不知明日事那有功夫理是非

十八

衣食無虧便好修人生世上一蜉蝣石崇未享千年富韓信空成十面謀花滿三春鶯帶恨菊開九月雁含愁山林幽靜多清樂何必榮封萬戶侯

十九

爲官終日細沉吟紫綬無心懶整襟陽業案前由我造陰司地府有誰親願將官職爲仙職除却凡心卽佛心寄語賢妻休再會從今不必問來音

狀元夫人和詩一首

緘書一到卽開吟。讀罷兒童淚滿襟。烈女不堪重改
適賢夫。休得再相親。君今旣悟爲仙去。奴也隨修了
色心。但願西方同善會。九蓮台畔禮觀音。

羅狀元道歌十二首

其一

論爲善道也清。躲了些受怕耽驚。行住坐卧由咱定。
也不去南戰北爭。也不聽犬吠雞鳴。榮華富貴何足
論。說甚麼萬里鵬程。講甚麼黃卷青燈。功名都是前
生定。趁此時光好修行。是非中裝聾推啞。那管他誰

弱誰勝

其二

論爲善道也閒。見了些九夷八蠻天涯海角都遊遍。
行幾步綠水青山。訪幾個野老名賢。良宵美景隨時
玩愛。的是道德眞篇。喜的是無上法言。吃的一鉢干
家飯。休笑我影隻形單。休笑我獨枕孤眠。清風明月
常作伴。

其三

論爲善道也高。圖了些散淡逍遙。每日間欣喜歡笑。
遇緣時美味佳餚。淡泊時蔬食簞瓢。窮通得失由天

造見幾箇待漏登朝見幾箇血染征袍都在是非場
中開我何曾心上煎熬我何曾愁鎖眉稍腮邊常帶
三分笑

其四

論爲善道也強識破了世態炎涼山明水秀憑咱浪
亦任他畫棟雕梁亦任他錦繡羅裳任他去把青雲
上我也無詩句文章我也無翰墨行藏孤身獨樂天
塗蕩休笑我別景離鄉休笑我赤手空囊無憂無慮
無惆悵

其五

論爲善道也稀學了些受用根基有緣方得明師遇
想人生無欠無餘歎光陰何日了期修行要把無常
避寂靜時細玩玄機得空時返照牟尼忙中討箇眞
消息原來是一派清虛果然是透露天機含光默默
包天地

其六

論爲善道也奇見了些世上罕稀一心不染紅塵地
說甚麼紫袍羅衣講甚麼愛子嬌妻勞碌不如歸山
去爲甚的終日憂思爲甚的逐日奔馳修行當發冲
天志做一箇慷慨男兒打破了名利關機無煩無惱

無憂慮。

其七

論爲善道也。幽斷了些妄念。綢繆。人生那個無塵垢。我怎肯。空自罷休。我怎肯。名利妄求。斷然不落無常手。拜明師。去把道求。發洪誓。靜坐勤修。自然有日功成就。任隨我散步閑遊。任隨我跨鶴乘舟。眞玄妙道。誰叅透。

其八

論爲善道也。深得了些借假修真。迴光返照。常清淨。識透了身外生身。那管他城市山林。行住坐卧。黃庭運愛的是養炁存神。喜的是火降水昇。靈光露出圓如鏡。頃刻間。究究通明。黃河水逆轉。崑崙如今認得眞鉛蘊。

其九

論爲善道也。精準備些戰勝雄兵。隄防六賊。暗來侵。亦任他駕霧騰雲。亦任他慣戰能征。難逃妙用。遭吾困舉法眼。萬邪齊奔。仗慧劍。斬斷魔根。三口束手。魔王順現。出吾赤胆。忠心自然的助國安民。一戰功成。皆清靜。

其十

酉情錄
論爲善道也通尋性命覓我根宗偃月爐中常作用
鉛投汞喜色匆匆陰配陽二炁相通泥牛一吼香風
動青衣女准備相逢白衣郎降下靈宮全憑意馬相
逢送入黃房意合情濃飲瓊漿其味無窮醺醺醉倒
桃園洞

十一

論爲善道也玄看破了好去參禪主人翁是何物件
下手處蜜蜜綿綿動靜處添汞抽鉛如醉如痴神不
倦進火時文武相煎溫養時午後子前陰陽二物同
烹煉切須要斬斷牽纏須究竟鼎爐機緣洪濛一窀

常窺見

十二

論爲善道也微學了些清淨無爲要知那箇爲同類
未生前心似寒灰返照處步步相催一陽生處金光
墜崑崙頂法雨紛飛玲瓏塔頃刻升雷沐浴池中甘
露沛凡體脫大顯神威戊己土結就刀圭功成齊赴

蟠桃會

羅狀元嘆世情詞十首

嘆世情總是空爲名爲利走西東妻恩子愛成何用
地府陰曹不相逢早知道假體有壞拜明師跳出樊

籠

嘆世情不久長迷途呆漢晝夜忙每日三寶常耗蕩
六門不閉逞顛狂早知骷髏假體訪主人煉我性
王

嘆世情多牽罣只爲紅塵捨不下有朝福盡鬼來拏
那時白手却也罷早知軀殼是假修金丹成了無
價

嘆世情好孤恁剛強勝者把弱欺富貴之家不肯濟
美貌他笑醜人媿早知身體有壞求明師指我靈
機

嘆世情實堪憂好酒之人不知愁三杯下肚筋骨透
耗盡血脈赴荒坵早知腐腸毒藥何不在龍華上
求

嘆世情空虛鬧殺生害命將孽造報應不差半分毫
地府冤魂把命要早知腐肉形骸何不學陳搏睡
覺

嘆世情苦滔滔紅塵裏面受煎熬精神盡是鬼來盜
可憐三魂赴陰曹早知美色殺人仗慧劍除了魔
妖

嘆世入淚滿腮貪財弄寶使奸乖一旦無常那樣在

三魂渺渺望鄉臺早知道骷髏古怪何不學仙佛痴
呆

嘆世情盡虛花好氣之人真可差無名火丹絕不下
一身血性害了咱早知道這等虛假涕唾面也自由
他

嘆世情好淒涼堪笑世人沒主張六門時刻來耗蕩
酒色財氣伏禍殃早知道身體有壞何不去煉我純
陽

真武祖師嘆骷髏詞

骷髏死骷髏哭淚流滿面眾骷髏不住的叫苦連天

忙抬了四塊板骷髏殞殮請骷髏念佛經超度升天
骷髏兒宰猪羊靈前祭奠造下罪還是要骷髏承就
眾骷髏鬧紛紛划拳飲酒齊動手把骷髏抬在山邊
哭的哭哀的哀令人難見死骷髏在陰司實實堪憐
輪迴上馬牛羊要你去變皆因是在生前冤孽牽纏
勸世人求明師指點修煉丹成了天外天不使銀錢
那時節赴蟠桃無邊快樂也算得世人西方金仙

修道真言 十六條

修道人心要空勞勞碌碌苦無窮成易敗少轉翁世
態無常若夢中利藪名場埋俊傑愛河苦海喪英雄

急修道緊加工跳出迷途四路通

修道人心要虔休將凡事積心田貪嗔罣恩愛纏喪
却殘生是孽緣兩手撥開迷人網一脚跳上護身蓮
登彼岸上慈船透出虛無天外天

修道人心要强跳出牢籠躲無常開利鎖脫名韁捨
生拚死上慈航一拳打破痴呆膜雙劍剖開愛慾鄉
學鐵漢煉金剛看破虛花夢一場

修道人心要明訪拜明師要虔誠求解脫了死生採
藥煉丹有定評拜問性根歸實地跪求命蒂採元精
道看重師莫輕不忘根本易修成

修道人心要低低心化氣敬三師求指示決猜疑虛
心受教事事知叅求剝復通消息講究乾坤運轉移
抽添妙顛倒奇講明火候是根基

修道人心要超超羣拔萃是英豪宜守戒莫逞刁惹
下罪孽禍難消積善修因功自得開齋謗道罪難饒
急惺悟學逍遙脫殼歸西上九霄

修道人心要堅叅禪打坐莫貪眠睜閉眼捏定拳睡
魔降住不昏顛煉就純陽身不壞戰退羣陰性自全
調神氣煉汞鉛巍巍端坐紫金蓮

修道人心要純掃除雜念養天真分清濁定主賓丹

爐藥物要調勻八卦爐中看火候五行山上煉元神
運周天轉法輪煉就金剛不壞身

修道人心要開心花開放見如來嬰兒動姪女催全
仗黃婆意做媒仙境未開延壽酒洞房先勸合歡杯
換仙骨脫凡胎產箇金身坐蓮臺

修道人心要幽逍遙快樂度春秋開覺路步瀛洲青
龍白虎兩邊遊洞裏乾坤施造化壺中日月運周旋
眞瀟灑少憂愁同登極樂永無憂

修道人心要高紅塵看破掃塵勞勤修煉勵節操脫
離煩惱出籠牢五蘊皆空眞自在六塵不染是英豪

脫胎換仙袍超出三界樂陶陶

修道人心要奇廣行方便任施爲通權變達時宜行
持舉動學慈悲積功累行終無怠見性明心定有期
開智慧破愚痴千變萬化少人知

修道人心要眞斬金截鐵別紅塵耐困苦守難辛受
得磨考是原人任憑浪起風難定穩坐慈航心自純
功果滿道德成丹書下詔接陽神

修道人心要清閒是閒非總莫爭過六慾絕七情修
行切莫發無明除盡皮毛心上病保全溫厚意中誠
慎高化意氣平總無障礙自然成

西州金
修道人心要和莫結冤仇免受磨三自反兩如何一
團和氣盡包羅掃盡三心真古佛飛空四相卽彌陀
好緣法莫蹉跎廣結良緣納福多

修道人心要安休言容易莫畏難寒加服饑添餐調
和身體煉金丹果滿自然超上界功圓必定透雲端
收緣早普度寬同登彼岸大家歡

富貴貧賤鰥寡孤獨八嘆

嘆富人早回頭家財萬貫是虛浮無常到萬般丟糧
田萬頃空自謀堆積金銀終沒有遺留罪孽不能休
宜看破急加修打開利鎖步瀛洲

嘆貴人早回頭玉帶烏紗不久留文拜相武封侯用
盡機關一旦休彈冠待漏隨朝苦解組歸山退步幽
辭洪福學清修無拘無束樂悠悠

嘆貧漢早回頭脫離苦海學清幽耐困苦解憂愁破
衲袈裟勝輕裘美味錦衣消厚福簞瓢陋巷樂真修
離火宅步瓊樓蟠桃會上伴仙儔

嘆賤士早回頭知希我貴覓潛修不逞刁懶設謀無
榮無辱免憂愁高官顯爵隨人轉隱姓埋名任我遊
學瀟灑愛清幽九品蓮台萬古留

嘆鰥夫真可愁鴛鴦枕上淚常流妝台冷彩鏡收調

琴鼓瑟沒同儔跳出愛河登彼岸脫離苦海上慈舟
調火候勵操修斬斷牽纏樂悠悠

嘆寡婦真可憐情傷破鏡不重圓紅顏瘦粉態捐悶
坐蘭房只叫天萬般雜事無人管一盞孤燈獨自眠
急惺悟學參禪看破紅塵煉佛仙

嘆孤兒真可傷無倚無靠哭高堂宜懷抱或贊囊多
方撫子小嬌郎保養靈童成鐵漢調和幼子煉金剛
勤打坐緊迴光禮拜觀音坐上方

嘆獨人真可憂無兒無女淚長流少伴坐寡儔殘
年老邁暗添愁誰憐皓首添新病獨恨紅顏轉白頭

急修煉學添拙返老還童壽萬秋

孝悌忠信禮義廉恥八勸

勸居士孝爲先事親竭力要心堅鞠育苦費包纏罔
極深恩報不全兩尊活佛高堂上一重青天在目前
成仙佛爲聖賢都從孝道究真詮

勸居士敬兄長兄友弟恭家道昌盡悌道體天良相
聯一氣好商量異姓尙能聯一體同胞何可另分張
篤天顯重倫常手足同修聚一堂

勸居士竭忠誠一點丹心報聖人皇王澤濟蒼生八
方平靜好修行歷代忠臣隆祀典累朝烈士仰封榮

安本分樂太平參求性理篤忠貞

勸居士信自詳處世待人勿反常言不篤行又狂州
里難行況遠方結友眞誠販善道交朋篤實本謙光
擇仁里辦道場以友輔仁好修藏

勸居士禮安詳文質彬彬本和光言中節行端方有
條有理有文章待人恭敬和爲貴處世莊嚴體自強
仙幽雅佛端莊早習威儀上天堂

勸居士義當求因時制宜事事優孔門弟漢亭侯昭
昭大義仰千秋天下一家歸正理古今三教共源頭
至剛大又溫柔浩然之炁有根由

勸居士廉爲先守分休貪分外錢心皎潔性精專洗
却貪污湧玉泉五蘊皆空忘蘊蓄一塵不染了塵緣
忘名利免牽纏玉潔冰清物外仙

勸居士莫因循羞惡之心要辨眞過自省德日新何
愁事業不如人有虧屋漏慚衾影當惕幽居對鬼神
登覺路出迷津皆從有恥悟來因

蓮池大師七筆勾

駐雲飛調

貪甚風流不是冤家不聚頭但顧淫人婦能保妻兒
否修嬉戲逞風流孽隨身後報應分明萬惡淫爲首
因此把美色邪淫一筆勾

終日憂愁用盡機關不肯休貧賤天生就富貴天緣
湊修算計五更頭明朝依舊略放寬心樂得安閒受
因此把妄想貪求一筆勾

結甚冤仇忍辱包容自不憂唾面稱仁厚血氣空相
鬪修平地起戈矛禍還身受過後思量懊悔終無救
因此把賭氣爭能一筆勾

勢利堪羞看破人情淚欲流窮者如人有美者笑人
醜修總是一骷髏牽筋動肘一旦無常那裏分先後
因此把嫉妬憎嫌一筆勾

舌底戈矛鬪馬難追不自由談遍閨門醜裝點他人

咎修薄惡滿心頭尖利在口鼓舌搖唇促短生平壽
因此把惡語讒言一筆勾

三寸咽喉結下衆生宿世仇宰殺充吾口痛苦難禁
受修祿盡壽難留疏味長久相報冤緣因果何曾漏
因此把美味佳餚一筆勾

着甚來由恰與他人作馬牛終日忙忙走廢盡懸河
口修取怨復招尤傷親壞友一刻清閒天福能消受
因此把閒是閒非一筆勾

眼前快樂誰能曉自尋諸煩惱高超極樂天勝
住蓬萊島勸世人依此七勾真箇好 清江引

又

恩重山邱五鼎三牲未足酬親得離塵垢子道方成
就修出世大因由凡情怎設孝子賢孫好向真空究
因此把五色封章一筆勾

鳳侶鸞儔恩愛牽纏何日休活鬼喬相守緣盡還分
首修爲你兩綢繆披柳帶扭覷破冤家各自尋門走
因此把魚水夫妻一筆勾

身似瘡疣莫爲兒孫作馬牛試問燕山竇今日還存
否修畢竟有時休總歸無後誰識真空萬古常如舊
因此把桂子蘭孫一筆勾

富比王侯你道歡喜我道愁求者多生受得者憂傾
覆修淡飯勝珍饈衲衣如繡天地吾廬大厦何須構
因此把家舍田園一筆勾

獨占鰲頭漫道男兒得意秋金印懸如斗聲勢非長
久修多少枉馳求童顏皓首夢覺黃梁一夢無何有
因此把富貴功名一筆勾

學海長流文陣光芒射斗牛六藝場中走斗酒詩千
首修錦繡滿胸頭何須誇口生死眼前半字難相救
因此把蓋世文章一筆勾

夏賞春遊歌舞場中樂事稠烟雨迷花柳酒肉娛親

友修眠底逞風流苦歸身後可惜光陰迅速難回首
因此把風月情懷一筆勾

娑婆眾苦誰能曉輪迴何日了煎熬釜內魚繫
絆籠中鳥勸世人依七句真箇好 清江引

合璧詞

目連救苦顯幽冥明珠破鐵城錫杖振開獄母
子永相親者佛法實無上認真修行

一眼看破身母血父精紅紅白白骨纏筋眼耳鼻舌
開四門引出了香味色聲便墮入胎卵溼化之四生
愛啣啣好可憐一靈之真萬劫沉淪昏昏冥冥屈屈

伸伸浮浮沉沉伶仃伶仃是者般看將來誰是兒來
誰是孫誰替苦來誰替疼只落得一寸一分自耽自
承我者裏惺眼認清跳出火坑做一箇大丈夫脫離
紅塵抱着本來面目空中蘊蘊出我的清淨法身圓
滿報身千百億化身方了却咱平生誓願之洪深一
眼兒照穿幽玄鏡

一眼看破心石產猴猴或硬或高或逞能貪嗔癡愛
無住停釀成了殺盜奢淫便墮在水火風刀之劫阨
啣啣好可憐一根驕矜眾苦加臨迷迷悶悶疊疊
重重逐逐營營亂亂紛紛似者般看將來有甚疎來

有甚親盡是假來沒有真只落得一步一程忍苦忍
辛我者裏睜眼認定了却塵氛做一箇鐵羅漢常轉
法輪守着一竅玄關自煉烹烹得像那儒的存心道
的修心釋迦的明心方保得咱不墮不落不下生一
眼兒瞎穿佛心印

一眼看破性虛靈顯應無始之始莫究竟天地未有
他先生日月還無他默運便疊產四象八卦與九星
噯啲啲好可憐六根漸成六賊恣逞嬌嬌嫩嫩香香
薰薰歌歌吟吟酸酸辛辛似者般看將來原來本善
者點真不明不白混沌沌只落得無清無靜不賢不

聖我者裏迴光照定身心打併做一箇逍遙客丹還
寶鼎懷着一爐日月來相蘊蘊得像那孔子養性老
君煉性如來的見性方算得咱最上一乘之果證一
眼兒直通虛無境

一眼看破命陽動陰順同氣相親到玄牝三關九竅
各另分六慾七情暗相侵墮落在黑暗無明之獄禁
噯啲啲好可憐本然靈應氣質沉淪步步寸寸狐狐
渾渾火火坑坑出出進進似者般看將來恣麼慾來
亂麼性難希賢而難希聖只落得罪垢成陣苦楚莫
伸我者裏然燈照正光迴圓鏡做一箇真佛子實修

實證透開無縫鎖兒常清淨淨得像那儒之致命道
之煉命釋迦之安命方完得咱粉碎虛空之乘分一
眼兒直臻古原郡

一眼看破酒麴蘖現醜糜爛五穀成紅朽耗散天糧
餓人口敗國亡家更促壽墮落在蚊虻蛆蟲之羣儔
嚙啣啣好可憐一性本有染腥染臭跌跌抖抖偏偏
扭扭唾唾嘔嘔猪狗狗似者般看將來貪甚杯來
惹甚羞甘敗下風誰爲救只落得年湮月久在塵在
垢我者裏定眼觀週識透根由做一箇活菩薩手執
垂柳觀定一着眞傳空中透透得成那儒的玄酒道

的液酒釋迦的菩提酒方完得咱不生不滅不東投
一眼兒直照無上咒

一眼看破色白毛鼠賊最妖最嬈將人惑暗裏吸盡
骨中血害得箇皮肉瘦折墮落在虛損勞瘵而潮熱
嚙啣啣好可憐三寶貴脉換歡一刻虧虧缺缺諄諄
切切癡癡拙拙寂寂滅滅似者般看將來有甚歡來
有甚悅盡是殺人之斧鉞只落得一點滯魄卵生轉
折我者裏開眼認得慧劍陳設做一箇活菩薩鎖根
拔穴觀着玲瓏塔兒渾包闊闊得像那儒的易色道
的絕色釋迦的空色方保得咱無去無來無疾厄一

眼兒覩定無相國

一眼看破錢銅鑄加鉛號爲國寶在世間通買通賣
更通權引透出詭詐貪奸墮落在戴角披毛之孽緣
噯啲啲好可憐生帶不前死帶不還愚愚賢賢巧巧
奸奸纏纏牽牽罪罪愆愆似者般看將來有莫喜來
無亦歡北邙山下無貴賤只落得一樁一件業鏡照
穿我者裏高眼睜圓認清定盤做一箇奇男子掌定
風帆撐穩先天大道度人船船得像那儒不愛錢道
不化錢釋迦不盤錢方纔得咱先天天轉轉後天一
眼兒直破太極圈

一眼看破氣先天眞利雜着後天生惡趣淺露輕浮
沒長濟邪躁橫豪多遮蔽墮落在修羅惡道之凶厲
噯啲啲好可憐中和天氣變成濁質偏偏倚倚邪邪
僻僻非非是是鬱鬱抑抑似者般看將來爭麼能來
逞麼智難離塵來難逃世只落得孽日益積冤日益
聚我者裏定光正視認穿邪祟做一個眞彌陀大根
大器守住一着西來之正理理得像那儒之養氣道
之煉氣釋迦之化氣方完得咱先天本來之正氣一
眼兒眞窺西來意

一眼看破名假譽虛聲如羊伴虎在公庭患得患失

無安寢好笑他阿諛逢迎墮落在喊街拔輒之勞神
噯啲啲好可憐堂堂佛身轉換變更恐恐驚驚支支
撐撐憂憂辛死死生似者般看將來做甚公侯
做甚卿說甚富貴享華榮只落得有道莫行有佛莫
成我者裏一脚蹬清慧燈剔明做一個超凡客斬斷
紅塵抱定末後一着細研精精得像那儒的正名道
之忘名釋迦不好名方證得咱無上正直之權衡一
眼兒直超虛無境

一眼看破利憑天所賜命該有時順而易命裏無時
來復去好笑他奸貪詭計墮落在煩惱憂愁之格勢
噯啲啲好可憐本來天真昏迷錮蔽放放肆憂憂
懼懼心心志志勞勞慮慮似者般看將來隨有隨無
混過世巧作巧爲有甚濟只落得功不能行德不能
積我者裏心專志一分清戒他做一個聖人徒疎財
仗義認真大道無爲修而治治得像那儒不謀利道
不圖利釋迦不近利方全得咱佛果圓成而無二一
眼兒直照無生地

一眼看破恩夫妻非眞妻死之時夫重婚夫若死時
妻嫁人好笑他夤夜私奔墮落在雞犬畜中獸與禽
噯啲啲好可憐仙佛靈根顛倒沉淪飛飛鳴鳴恐恐

驚驚冷冷清清吟吟呻呻似者般看將來說甚鸞鳳
唱和聲姻緣盡處各離分只落得天堂難登地獄轉
輪我者裏提起慧劍斬絕紅塵學一箇小地藏振開
幽冥持着一顆明珠空中運運得像那儒之別恩道
之捨恩釋迦之割恩方完得咱至極無極之法身一
眼兒直臻最上乘

一眼看破愛兒女少債前生好嫖好賭賽好穿好吃
好借貸可笑他明瞞暗室墮落在今生填還無歡快
暖啣啣好可憐靈明舒泰沉淪苦海負負載載扛扛
抬抬征征邁邁苦苦挨挨似者般看將來要甚兒孫
傳後代講甚春秋拜墳臺只落得憔悴形骸佛身無
賴我者裏優遊天外定光靈臺效一箇逍遙客無罣
無碍守着一竅倒轉黃河慨慨得像那儒之汎愛道
之割愛釋迦之空愛方了得咱虛空體掛而自在一
眼兒直穿無色界

念菴羅狀元樂道歌

雲淡風清午夜天萬紫千紅在眼前到春來桃天簇
錦柳翠拖烟到夏來槐陰滿院荷花風翻到秋來芙
蓉吐豔金菊爭妍到冬來梅花綻玉瑞雪盤旋四時
風景新鮮笙歌妙舞團圓覷不破昏迷津朝朝酒也

流連打不破癡愛網夜色也纏綿撥不開生死路
刻刻財也拖牽跳不出是非門些些氣也生烟彩雲
容易散琉璃總不堅不到烏江不上船不遇陵巖不
停鞭人人都作千年計個個却被藕絲纏有幾個能
把乾坤扭轉有幾箇能跳出苦海深潭散淡逍遙在
林前無榮無辱無掛牽衲衣漏勺無嫌厭蔬食瓢飲
不熬煎一任他滄海桑田多改變有時節丹爐中烹
一盞八仙茶漫寫詩篇有時節草堂中掛一軸無名
畫翰墨難傳有時節運幾滴甘露漿送下丹田長延
歲月樂逍遙不使人間造孽錢日上三竿正好眠也

不知萬里江山分州縣也不知朝中待漏五更寒也
不知帥府門前並殺權也不知堂呼一語應萬千喜
只喜竹籬茅舍松柏人家那管他龍爭虎鬪那管他
威勢榮華那管他虛名虛利那管他富貴驕奢青松
盤處彩雲霞白屋閒處翠柳遮靈谷洞中出玉沙娉
婆世上混雜龍蛇才如孔孟的也由他智過孫龐的
也由他富比沈石的也由他猛勇項羽的也由他喜
只喜平平安安分過去無差茅廬小小山兒種胡麻身
也不穿羅衣頭也不戴烏紗布袍草履淡飯粗茶逍
遙說幾句漁樵話丹芝野草豔籬笆風月堂中開野

醉情金
花也不春也不夏也不秋也不冬往事堪嗟烏江赤壁的英雄六朝雜亂的人馬隋唐五代的功勞宋室元遼的革搭混混一會都作了井底之蛙又只見斷橋流水渡荒草夕陽斜那裏有阿房麒麟閣那裏有五殿霸府衙那裏有銅雀黃金臺那裏有七侯五桂家亂紛紛盡失真一箇箇都作假忙去收拾一琵琶聊向山林去樂耍者纔是下雲車找前找後看雲霞盡叅破盈虛消長概付與枯木寒鴉

樂道詩 十二首

自幼生成物外身不貪富貴不憂貧蓋間茅屋調琴

韻開個柴門轉法輪月照窗前常飲酒鶴來松頂又迎春閒時寫幅丹青畫勝過銀安及紫宸

隱姓埋名閉戶修三皈五戒作根由芒芒寶劍懸門上軟軟蒲團掛杖頭無事騰身鑽月窟得閒鬧海結蜃樓不然唱個普天樂能解世間萬斛愁

世事紛紜盡不知相呼姪女並嬰兒牽牛獨木橋邊過聽馬雙林樹下嘶沒有經綸安守拙亦無翰墨且裝癡倚着南窗貪看景幾乎忘却養神時

而今尋着古家鄉就業華宗穩住場本立道生風月慶花開桃熟酒詩狂後邊老竹宿鸚鵡前面蒼梧來

鳳凰喜抱琵琶三五曲其中盡是大文章

識破浮生都也無惟知終日扭天樞三般妙藥歸金鼎一片冰心在玉壺興向玄中歌太極悶從丹上玩河圖常常暗笑塵緣客貪利求名豈丈夫

當年認的本來因雖在塵寰便出塵草履粗衣談性理箠瓢陋巷養天真太和元氣爲吾主渾厚文章是我鄰隱顯行藏皆莫測胸中更有四時春

隨緣隨分過春秋也不倦來也不愁背個葫蘆唱妙道攜隻寶筏度良儔素珠百八通三界赤足一雙遍九州富貴榮華何在眼顛顛倒倒樂悠悠

瀟瀟灑灑走天涯有有無無並沒嗟啞啞聾聾顧自己喧喧嚷嚷任人家清清靜靜清靜酒酒花花酒酒花化化生生歸一粟朝朝暮暮不停車

青春抱道把身修不染一塵三寶周誦卷丹經除障礙鑄隻慧劍斬風流琴棋書畫隨心玩南北東西任意遊披拂白雲歸古洞得休休處且休休

離天離地離雲隈沒暑沒寒沒點埃度歲何知四季物逢春未聽一聲雷無緣仙子難相見有翼鳥兒怎往來睜眼三千世界小我居那裏任君猜

妙道一聞萬事休終朝歇在希夷樓讓隨花眼撩雲

眼亦任日頭曬枕頭懶捉金烏和玉兔不拴乾馬與
坤牛時人怎識予心樂予也無言付水流
聖師傳我道無窮奪得天機造化工顛倒陰陽開混
沌車回日月鑿鴻濛饑餐桂子廣寒殿渴飲瓊漿玉
帝宮妙樂壇前打個盹翻身跳出太虛空

嘆世詞 十六首

嘆人生要看空富貴榮華草上風寒窗苦的青顏客
朝門待的白髮翁捧牙笏列皇宮紫袍羅衣誇甚雄
歷代君王今何在累朝卿相葬土中學俺家看得空
不貪這些不昏朦真心要把無常避訪拜明師指玄

宗勸世人莫癡聾打破機關樂無窮仙衣綬帶隨處
蕩不論南北與西東

嘆人生要看空貪名圖利枉施工千里爲官如春夢
半夜不眠似花蜂勝海瑞賽石崇無常一到萬事終
名利全拋罪孽在陰律條條豈貸容學俺家看得空
不貪名利靠蒼穹隨緣隨分隨時過無憂無慮處處
通勸世人莫迷朦速悟自家主人翁常引嬰姪相遊
戲只待功圓脫樊籠

嘆人生要看空好酒貪杯喪英雄惹禍敗家令人賤
只爲飲酒發狂風花添豔錦添紅雪內難見一親朋

有錢有酒和你醉無錢無酒不相逢學俺家看得空
酒店從來路不通年年月月無煩惱暮暮朝朝帶笑
容勸世人伴古松望鶴觀星守月弓倦飲自身菩提
酒飲乾一鍾又一鍾

嘆人生要看空貪花因在廣寒宮紅粉佳人多乖巧
白面書生最玲瓏會月下樂帳中語言銜蜜意情濃
精神耗散全不顧髓竭人亡豈重逢學俺家看得空
任花開得嫩嬌容定然不做採花客謹守三寶號英
雄勸世人宿梧桐自家園內有花叢花開花謝隨時
玩真花更比假花紅

嘆人生要看空好嫖兒郎柳巷中花費銀錢遺體喪
丟開父母夢寐同二八女整春容情絲繫人定不鬆
楊廣今日屍何在宋江此時影無踪學俺家看得空
不像這些活朦朧任他裝得風擺柳知得是個臭皮
蟲勸世人且聽聰刮骨剛刀快如鋒終久死在他手
內六道輪迴永陷東

嘆人生要看空見色不迷大英雄紂王江山因色敗
仁傑美名北斗崇魯男樣柳下風閉門坐懷意不縱
關羽秉燭曾待旦邑考彈琴在樓中學俺家看得空
這些古人記在胸定要立個男兒志萬古千秋不改

容勸世人要明通勒馬回頭覓根宗湘子跳出牆兒
外做了無生不老童

嘆人生要看空何必爭氣逞英雄汗馬天下湯潑雪
韓信功勞燭見風逞暴氣定招凶傾家亡身一時中
霸王逞雄烏江喪張公百忍九世同學俺家看得空
養我浩然在玄宮如癡如歎懦弱漢個個見我喜笑
容勸世人覓無縫安爐立鼎把氣鎔鑄成一個金剛
體不騫不崩不投東

嘆人生要看空夫妻恩愛似芙蓉逢時開得多茂盛
不久凋殘各西東配鸞鳳產兒童分明盡在孽海中
說甚羅帳恩情遠幾見夫妻百歲同學俺家看得空
一塵未染守洪濛不知恩愛情裏事那曉鴛鴦枕上
濃勸世人定雌雄尋着自己顛倒工妻子和好黃房
內如鼓瑟琴水晶宮

嘆人生要看空休將兒女記心胸之子于歸鬧轟轟
宜其家人喜匆匆擇賢婿選美容禮尙往來十分濃
不覺一日無常到那個兒女替你痛學俺家看得空
孤身快樂隱雲松也無兒女依膝下也無牽纏在胸
中勸世人關靜宮獨歡獨樂不露風莫笑單身無兒
女一年產個小女童

西情金
三
嘆人生要看空房廊田地是牢籠天下阡陌和宇棟
換了多少主人翁那無常來得凶照頭一下把命終
片瓦分土帶不去滿身罪孽積陰中學俺家看得空
沒房沒地沒愁容赤手空囊隨處落夜來投宿小茅
蓬勸世人要惺衷蓋間茅屋蔽塵風終朝止在寸土
境免得無常鎖喉隴

嘆人生要看空何誇使奴享富翁寬衣解帶上房內
奉茶把盞在堂中大數到眼朦朧何曾使得半點工
結下冤債那得了奴婢使女再難逢學俺家看得空
天涯海角到處通左有青龍爲吾伴右有白虎作我

童勸世人莫從容快快起來與俺同奴僕使女皆是
假帶爾歸家見眞宗

嘆人生要看空衣食莫貪甚豐濃美衣裝的骷髏殼
美食肥的血兼膿山海味絹羅絨難保百年在世中
一日數盡無常取他纔不論體態雄學俺家看得空
隨緣不貪任窮通穿些粗衣將寒避吃些淡飯把饑
充勸世人洗心容燒些信香達蒼穹有朝一日天開
眼仙衣鹿食極樂宮

嘆人生要看空婦女嬌嬈敗門風不思遺體千金重
不顧四德與三從擦胭粉髻盤龍巧粧打扮賣春容

弄送人兒罪孽大死在刀山泪落痛學俺家看得空
跨個鶴兒在雲中我也未見窈窕女我也不在嫦娥
宮勸世人月色融閨閣謹守善處窮一足蹬破花世
景學個觀音鎮大雄

嘆人生要看空素來不站賭場中堪笑一些無知輩
拖衣撈食顏祖風輕八字負日工甚麼相家到底窮
那時饑寒盜心起報應昭彰豈寬容學俺家看得空
龔龔啞啞玩西東我也不曉天和地我也不知窮與
通勸世人聽深衷立個志向大不同終朝吹笛雲頭
上每日彈琴玉清宮

嘆人生要看空貪嗔癡愛孽網中機謀多用天理悖
心血喪盡枉勞工存嫉妒愛豐隆好似蠶兒上繭棚
屢屢自造還自縛只待春謝滾湯逢學俺家看得空
瀟瀟灑灑在深叢我也沒得一些事我也沒得孽來
矇勸世人志氣雄駕隻舟兒四海通大呼男女快來
趕切莫錯過這蓬風

嘆人生要看空眞立大道妙無窮日月乾坤袖內統
天地人倫一眼通明造化奪天工萬物收來一處鎔
太極圈兒當面掛黍米珠兒勝日紅學俺家看得空
雅雅悠悠淡蕩風也不上山去拿虎也不下海去擒

龍勸世人空空空變個悟空開天宮從此跳出五行
外無影無形總是空

三教辨

悟元子嘗棲於中條山之中峰烟霞洞有客挾貴挾
財而來見悟元禮待之客倨然坐睨而視諤然大言
曰聞道人儒士也何事入道悟元笑而不答客進曰
釋道異端之教儒者聖人之教去聖人之教而攻乎
異端之教無乃下喬木而入幽谷乎悟元默然客又
曰蘭之貴者以有香也珠之重者以有色也蘭失其
香同於茅蕘殊失其色等於土石子素以有學稱何

不取其名而展其才乃甘居於異端之門爲人所不
齒高明者固如是乎悟元從容而答曰吁子迂矣何
其出言之冒冒也蘭雖有香因香而煎膏殊雖有色
因色而消形何貴何重吾聞鸚鵡以舌利而入籠孔
雀以尾文而受拘獐獸以臍香而被害狐狸以皮貴
而喪生龜以靈而剝殼蚌以珠而剖腹蚘以尾而受
父假令鸚鵡藏舌孔雀脫尾獐獸失香狐狸去毛龜
入於泥蚌潛於沙蚘咬其尾何危何害蓄精養神處
有無事之天雖千百算數未爲之過余之不齒於人
正欲遜名晦迹靜養太和以全大造之功耳至於或

儒或道特以無可無不可而子以異端來責抑知儒之爲儒道之爲道乎夫道之一字通天徹地達古貫今無始無終無邊無岸故運四時者曰天道載萬物者曰地道盡性至命者曰聖道日用常行者曰人道天無道不成天地無道不成地聖無道何爲聖人無道何爲人聖經曰大學之道中庸曰率性之謂道子以道爲異端視道爲何物乎考之盤古初分人與鳥獸同居草衣木食何知有道亦何知有教天不秘寶河出圖伏羲則之畫八卦以泄天地陰陽造化之道而道之名自此始及黃帝制文字立倫常之道教人

而教之名自此始繼之堯舜禹湯文武周公體其道行其教以治世當時雖有其教而無定名至周末孔子應水精而生周遊列國欲行其道卒不得如其願遂著六經傳世以覺方來遂有儒教之名是儒卽道道卽儒儒外無道道外無儒夫道者人之徑路也儒者人之需用也需用者何需用者卽道需用之道卽常行之道故曰道也者不可須臾離也然則孔子雖係儒中聖人其實道中聖人聖人之道聖人之教有出世入世二法使出世者修性立命使入世者齊家治國所以孔子可以仕則仕可以止則止可以久則

久可以速則速孟子飽仁義而不願膏粱之味修天爵而不願人之文繡也後世抱道之士岩居穴處不圖名利或稱有道之士遂有道士之名間有欣慕古人高風廉潔持身高尙其志漸有道教之稱其實道教之名非老子自立之乃後人漸嘉之世以老子爲道教之宗者特以老子之道而莫可配對者也况老子武王時爲柱下史宣王時爲柱下史果係異端之流豈容掌三皇五帝之典籍此不辨而可知者卽孔子亦嘗問禮於老子有猶龍之嘆猶龍之嘆至今嘖嘖人口老子果爲異端孔子儒教之宗何不劈而反

讚之此又不辨而可知者老子儒乎道乎異端乎正道乎吾不知之吾所知者是儒是道不得歧而二之不知儒道者強欲分別以爭教門是豈儒乎道乎至於釋氏之教亦西域聖人之教其教隨方而設因人而用聞之西域人性好殺風俗粗陋佛法以慈悲低下爲主以方便施捨爲要以因果報應爲教與儒之省方觀民設教之意同故西域之人不遵國法遵佛法行於西域信教者數十國佛之道豈小焉哉第流於中華中華人視之未免有異何則中華人性不一風俗不同聖人立教亦不同其被教已久習於性成

酉博金
只知有中國聖人不知有西域聖人若中國之教流於西域西域人何能信之此理亦不辨而可知者大抵三教聖人其教不同其意總欲引人入於至善無惡爲要歸不特此也儒有精一之道道有得一之道釋有歸一之道儒有存心養性之學道有修心煉性之學釋有明心見性之學儒有道義之門道有衆妙之門釋有方便之門溯源窮流三教一家誰曰不然乎吾聞深山有木一名青剛一名花梨一名椽樹其名雖三其實一木三教之道亦復如是今有老竹截而作器作笙則爲笙作簫則爲簫作管則爲管雖笙

簫管之器不一而其竹之物則一三教之體用亦是如此今有素布染而上色染青則爲青染黃則爲黃染紅則爲紅染綠則爲綠雖青紅黃綠之色不一而其色之布則一三教之分門立教亦是如此歷代聖王有鑑於此立爲中國三教蓋以均有聖人之道在焉而非若充塞仁義之徒惑亂世道人心者可比噫異端自有異端何得以釋道爲異端夫異端三教門中皆有之古稱楊墨爲最楊氏爲我非無君也然拔一毛而利天下不爲似義而非義以是爲教漸必流至於無君墨氏兼愛非無父也然親疏一等德怨同

西平金
視似仁而非仁以是爲教漸必流至於無父無父無君失其仁義之實理謂之異端眞異端耳其次儒教讀孔子之書違孔子之言不忠不孝喪德失行卽儒教之異端入老子之門背老子之言無節無操索隱行怪卽道教之異端歸釋氏之教忘釋氏之法不重性命苟圖衣食卽釋教之異端此等異端何可勝數至於佛老正教非大忠大孝不度非大賢大德不引以性命爲大事以德行爲要着存誠去妄棄假歸眞老子觀竅觀妙佛氏真空妙相卽孔子明德至誠道之虛無自然釋之無住無相卽儒之無聲無臭三教

同乎異乎夫藍田出玉不能無瑕疵之物終南茂林不能無偏枯之木芳花滿園不能無淺淡之色羣鳥畢集不能無怪惡之禽故黃帝至靈不能化蚩尤堯舜至仁不能感四惡周公至賢不能保管蔡以天縱數聖當時猶有感化不到之處而况儒釋道立教已久豈無邪正是非之雜若不推其源而視其流妄劈立教之古人如之何其可考其老子道祖之名歷代帝王加封之非後世道教僭稱之前有至聖猶龍之讚後有帝王道祖之封老子異端乎否耶後世未窺見聖人之堂奧而恣意批評者吾不知何所見而然

吾之儒道不拘特視儒道爲一家隨其情性以適其
志耳若夫名利場中紆紫懷金舍眞認假非至聖身
心性命之學亦非吾生平所好吁百年歲月石火電
光一生榮華草霜花露性命惟眞萬般盡假可與知
者道難與不知者言子休矣子去矣子必以我爲異
端吾將以子爲異端異端非聖人之道而別爲異端
子思聖人之道爲何道果知道之所以爲道則釋老
之異端不異端判然易見必不以我爲異端矣客聞
之啞然而去

醒悟錄終



